

Abadiyat adibini ardoqlab

2022- yil 27- may kuni TIQXMMI Milliy Tadqiqot universitetida, Abdulla Oripovning porloq xorirasiga bagʻshlangan “Abadiyat adibi” kitobining taqdimoti boʻlib oʻtdi. Ushbu tadbirni Universitet matbuot kotibi Rahimboy Jumaniyozov olib bordi. Tadbir avvalida soʻz universitet rektori, professor Bahodir Suyunovich Mirzayevga berildi. U oʻz nutqi mobaynida Universitetimizda A.Oripovning porloq xotirasini yod etish, ijodini ommalashtirish borasida qilingan ishlarni qayd etdi.



Jumladan, ta'lim dargohimizda Abdulla Oripov ijodini keng targ'ib qilish maqsadida “yo'l xaritasi” ishlab chiqilib, shoir hayoti va ijod yo'liga bag'ishlangan ko'plab ma'naviy-ma'rifiy, badiiy va ijodiy tadbirlar o'tkazib kelinayotgani, Abdulla Oripovning ramziy siymosi qoshida reja asosida fakultetlar, bo'limlar tomonidan shoirni yod etish maqsadida el tanigan ijodkorlar, adibning zamondoshlari, institutimiz professor-o'qituvchilari hamda adabiyot va she'riyatga ixlosmand yoshlar ishtirokida shu paytgacha 100 ga yaqin ma'naviy-ma'rifiy tadbirlar o'tkazilgani aytib o'tdi.



Shuningdek, Abdulla Oripov ijodiga bag'ishlangan cayt va telegram kanalining ishga tushirilgani, "Abdulla Oripov izdoshlari" to'garagi, Qarshi shahridagi Abdulla Oripov nomidagi ijod maktabi bilan hamkorlikda amalga oshirilgan tadbirlar, "Tafakkur tomchilari" ruknida shoir ijodiyoti, uning serqirra faoliyati, adabiy-estetik va ijtimoiy-falsafiy qarashlarini yoritish hamda tahlil etishga qaratilgan ko'rsatuvlar tayyorlab kelinayotgani, ayniqsa, shoir nomidagi bog'ning bunyod etilishi, Abdulla Oripov she'riyatidan ta'sirlangan talabalarimizning ijod namunalaridan tuzilgan "Ilhom buloqlari" to'plamining 2 ta jildi chop etilgani, shoir tug'ilib o'sgan Koson tumanidagi Neko'z qishlog'iga qilingan sayohat, Abdulla Oripov nomidagi muzey, stipendiya va ko'krak nishonining ta'sis etilganini e'tirof etdi.



O'zbekiston Yozuvilar uyushmasining a'zosi, iqtidorli shoira Farog'at Xudoyqulova shoir bilan bog'liq xotiroqlarini o'rtoqlashdi. Keyin esa A. Oripovning turmush o'rtog'i his hayajon bilan shoirni yodga oldi. Shoira Oripova ushbu kitobning to'plovchilaridan biri sifatida qilingan ishlar yuzasidan o'z minnatdorchiligini bildirdi. Tadbirda o'z xotiroqlari bilan o'rtoqlashgan ziyolilar va Abdumirhakim Axmedovning jozibador qo'shig'i va talaba Behzod Fayzullayevning chiqishlari davraga fayz kiritdi.





Tadbir yakunida mehmonlar Abdulla Oripov muzeyidagi eksponatlarni tomosha qilib suratga tushishdi. Tadbir o'ta fayzli va maroqli tarzda kechdi.



"SXTEB" fakulteti 1-bosqich talabasi B. Fayzullaev axboroti

Universitet matbuot xizmati